

Ա. Ռոզուշիճ

ԼՈՒՍԱՎՈՐՈՒԹՅՈՒՆԸ ԹՅՈՒՐՔԻԱՅՈՒՄ

Մինչև ռեսպուբլիկական կարգերի հաստատվելը, Թյուրքիայում հիմնական ուսումնական հիմնարկները եղել են մուսուլմանական հոգևոր դպրոցները, որտեղ ուսումնասիրվում էին առավելապես արաբական լեզու, յարոյագիտություն, աստվածաբանություն, մուսուլմանական իրավաբանություն և նման դիսցիպլիններ։ Դպրոցների այդպիսի բնույթը բխում էր հենց իր իսկ օսմանյան կայսրության թեոկրատական էությունից։ Ինչպես հայտնի է, Թյուրքական սուլթանները 1517 թ. սկսած կայսրության լայնատարած տերիտորիայում մարմնավորում էին իրենց մեջ և հոգեվոր և վարչական իշխանությունը։ Մուսուլմանական տարրական հաստատությունների դերը կատարել էին այսպես կոչված «կվարտալային դպրոցները», որոնցից հետո հաջորդ աստիճանն էին կազմում միջնակարգ դպրոցները՝ «մեդրեսե»։

Թյուրքական ազգային բուրժուազիան Քեմալ Աթաթյուրքի գլխավորությամբ իշխանության գլուխ անցնելով, չէր կարող հաշվի չառնել ժողովրդական մասսաների տրամադրությունները, որոնք կանգնել էին երկրի սոցիալական վերակազմավորման բացահայտ պայքարի ուղու վրա՝ և անցկացրեց մի շարք միջոցառումներ հոգևորականության ազդեցությունը սահմանափակելու և դպրոցական գործը վերակազմակերպելու համար։ 1924 թ. մարտի 3-ին մեջլիսը ընդունեց խալիֆաթը և հոգևոր դպրոցները «մեդրեսեները» վերացնելու օրենքը, որոնք ծառայում էին սրպես նրա գլխավոր հիմքը։ Առժամանակ հետո փակվեցին իմամներ և քարոզիչներ պատրաստող դպրոցները, և բոլոր ուսումնական հաստատությունները աշխարհիկ ուղուցման հիման վրա ենթարկվեցին ունիֆիկացման։ Կրոնական առարկաների դասավանդումը վերացվում էր դպրոցական ծրագրերից։ 1925 թ. սեպտեմբերի 2-ին ընդունվում է մի դեկրետ դերվիշային օրդենների վերացման մասին. սրանք հոգևոր դպրոցներին զուգընթաց հանդիսանում էին կրոնական խավարամոլության բուժարաններ։ 1928 թ. ապրիլի 10-ի մեջլիսի որոշումով կոնստիտուցիայի 2-րդ հոդվածից հանվեց այն նախադասությունը, ըստ որի «Թյուրքիայի պետական կրոնը հանդիսանում է իսլամը»։ Վերջապես 1928 թ. նոյեմբերի 3-ին մեջլիսն ընդունեց Թյուրքական այբուբենի լատինացման օրենքը։ Այս բոլոր ռեֆորմները նշանակալի չափով խախտեցին հոգևորականության ազդեցությունը։ Արդյունքը եղավ այն, որ բարենպաստ պայմաններ ստեղծվեցին վերացնելու անդրադիտությունը և բարձրացնելու ժողովրդի հանրակրթական մակարդակը։

1928 թ. բացվեցին, այսպես կոչված, «ժողովրդական դպրոցներ», որոնք իրենցից ներկայացնում էին հնգամյա դասընթացներ հասակավոր բնակչության մեջ անգրագիտությունը վերացնելու համար: Այդ դասընթացները, որոնցում ուսում ստացան 486,8 հազար մարդ, գոյություն ունեցան մինչև 1935 թ.¹:

Ք. Աթաթյուրքի և Ի. Իսենյուլի կառավարության միջոցառումները լուսավորության բնագավառում որոշակի դրական արդյունքներ տվին: Ըստ թյուրքական վիճակագրական պաշտոնական տվյալների, ուսումնական հաստատությունների թիվը 1935—36 ուսումնական տարվա 6614-ից աճել է մինչև 16.858-ի 1948—49 ուսումնական տարում, իսկ նրանցում եղած օրվորիկների թիվը համապատասխանաբար մեծացել է 770.611-ից մինչև 1.632.275²:

Հայտնի է, որ քեմալիստական կառավարությունը ժողովրդական կրթության պրոբլեմը մինչև վերջը չլուծեց: Դատելով, ըստ թյուրքական վիճակագրության ակնհայտորեն իջնջված պաշտոնական տվյալների, 1930 թ. անգրագետները կազմում էին երկրի բնակչության 64,4%³: Բրականում անգրագետների թիվը վերսիշյալ թվից շատ ավելի է, որովհետև վիճակագրությունը գրագետների մեջ է հաշվում նաև բոլոր նրանց, ովքեր կարողանում են ստորագրել թեկուզ միայն իրենց անունը: «Ակշամ» թերթը գրում էր, որ «Թյուրքիայի գրագետների քանակությունը բնակչության 15%-ից բարձր չէ»⁴:

Համաշխարհային երկրորդ պատերազմից հետո, երբ Թյուրքիան ներգրավվեց իմպերիալիստական ագրեսիվ բռնկումների մեջ և սկսեց կրել իր ուժերից վեր ուղղման ծախսեր, անգրագիտության վերացման պրոցեսը զգալիորեն դանդաղեց: 1955 թ. բյուջետային տարում լուսավորության կարիքների համար բաց էր թողնված 372 մլ. լիրա, և այդ այն դեպքում, երբ ուղղման նպատակների համար և օտարերկրյա ուղղման օգնություն» հետ միասին նշանակված ընդհանուր գումարը հասնում էր 3 մլրդ. լիրայի⁵: Պարզ է, որ բյուջետային միջոցների այսպիսի անհամաչափ բաշխման դեպքում, անհնարին է լրջորեն խոսել ժողովրդական կրթության պրոբլեմի լուծման մասին: Ըստ 1955 թ. բնակչության մարդահամարի ենթադրական տվյալների, գրագիտության աճը տոկոսային հարաբերությունամբ հետ է մնում բնակչության աճից: Ներկայումս իշխանության գլուխ գտնվող կառավարության դեմոկրատական պարտիան լուսավորության բնագավառում վարում է որոշակի դասակարգային քաղաքականություն: Որը ծառայում է բուրժուազիայի շահերին:

Այն սահմանափակվում է միմիայն նեղ շրջանակներով՝ ինտելիգենցիա պատրաստելու և նրանով պետական ապարատը կոմպլեկտավորելու համար, ինչպես և որակյալ կադրերով տնտեսության զանազան ճյուղերը ապահովելու գործով, իսկ ժողովրդին տալիս է գիտելիքների միայն այն նվազագույնը, առանց որի չի կարող բավարարվել ինքը՝ բուրժուազիան: Մեջլիսի դեպու-

¹ «Ջումհուրիեթ», 17/III 1954:

² «Bü kige l'st tistik Uilliq'us», Ankara, 1950, էջ 125:

³ «Ա.Ն.Մ.», 12/VI 1932:

⁴ «Ջաֆեր», 19/II 1935:

⁵ Նույն տեղում, 7/III 1958:

տատ Նիհադ Ռեշատ Բելգերը, մեջլիսի ամբիոնից հայտարարեց, որ Թյուրքիայի ժամանակակից լուսավորութեան ամբողջ սիստեմի խնդիրն է չինոֆիլիկներ պատրաստել¹։

Թյուրքիայում գոյութիւն ունեցող ուսումնական հաստատութիւններին ցանցը բացահայտորեն անբաժանելի է կյանքում ժողովրդական կրթութեան լայն ծրագիր անցկացնելու համար։ Առանձնապէս քիչ են դպրոցները արեւելյան և հարավ-արեւելյան վիլայեթներում. դրանց բնակչութեան մեծ մասը կազմում են ազգային փոքրամասնութիւնները, որոնք չեն տիրապետում կամ թույլ են տիրապետում թյուրքերէն լեզվին։ Դրանք համատարած անգրագիտութեան շրջաններ են, որովհետեւ այդտեղ ազգային դպրոցներ ընդհանրապէս չկան, իսկ թյուրքական դպրոցները հաճախում են հիմնականում չինոֆիլիկների, սպանների, առետրականների, ձեռնարկատերերի, խոշոր հողատերերի և նմանների երեխաները։ «Հարավ-արեւելյան շրջանում եղած մարդը,—անկեղծորէն խոստովանում է «Վաթան» թերթը,—թյուրքերէն լեզվի թույլ տարածվածութեան և անկուրտութեան լիակատար վիճակում է հանդիսանում։ Թյուրքերէն լեզուն իմացող սակավաթիւ լինելը, բնակչութեան հետամնաց կուլտուրական մակարդակը այնքան ավելի ուրստութեամբ պատկեր է ներկայացնում², որքան մոտենում ես գյուղին։ Պատկերացնելու համար, թե որքան հետամնաց վիճակում է արեւելյան և հարավ-արեւելյան Անատոլիայի բնակչութիւնը, բավական է ասել, որ Ազր վիլայեթի գրագետները տղամարդկանց մեջ կազմում են 17,4⁰/₀, իսկ կանանց մեջ՝ 2,7⁰/₀³, իսկ Մարդին վիլայեթում դրանից էլ պակաս. տղամարդկանց մեջ 15,4⁰/₀, կանանց մեջ՝ 2,1⁰/₀⁴։ Հարկավոր է հաշիւի առնել, որ անգամ այդ փոքր տոկոսը առավելապէս ընկնում է թյուրք բնակչութեան վրա, որին այս կամ այն չափով, այդ դպրոցները մատչելի են։

Թյուրքիայի ուսումնական հաստատութիւնները ստորաբաժանվում են պետականի, մասնավորի, ազգայինի և օտարերկրյա։ Բոլոր դպրոցները, բացառութեամբ պետականների, պատկանում են մասնավոր մարդկանց կամ ընկերութիւններին։

Ազգային դպրոցներ ունեն միայն հրեական, հայկական և հունական փոքրամասնութիւնները, որոնք բնակվում են Ստամբուլում։ Այստեղ հաշիւվում է 31 հայկական, 46 հունական և 5 հրեական դպրոցներ (տարրական, միջնակարգ և լիցեյներ)⁵։ Այդ դպրոցները հանդիսանում են ոչ թե ազգային կուլտուրայի օջախներ, այլ ազգային փոքրամասնութիւնները թյուրքացնելու հիմնական միջոց, ղեկավար շրջանների ասիմիլյատորական քաղաքականութեան գեւառ։ «Ջումհուրիեթ» թերթը 1952 թ. հոկտեմբերի 25-ը՝ «Լեզվի միասնականութիւնը՝ ազգի միասնականութիւնն է» խորագրով հոգւած է գետեղել, որի մեջ ասված է հետևյալը. «Ռեսպուբլիկան ազգային փոքրամասնութիւնների դպրոցները մտցրել է

¹ «Ջումհուրիեթ», 26/II 1953։

² «Վաթան», 10/VI 1953։

³ Նույն տեղում, 21/I 1953։

⁴ Նույն տեղում, 10 VI 1953։

⁵ Rıza Serhadog'lu, Büyük İstanbul Albumü, İstanbul, s. 110—111.

թյուրքերեն լեզվի, թյուրքական գրականության և այլ ազգային դիսցիպլինաների դասավանդումը... Այդ միջոցառումը մեր երկրում կհասցնի ազգային փոքրամասնությունների էլեմենտի վերադառնալու, կուլտուրական ներգործության միջոցով: Ազգի միասնությունը հնարավոր է միայն ազգային փոքրամասնություն և մեծամասնություն բաժանման բացակայության դեպքում... Թյուրքական կուլտուրան տարածելու ուղիով ունեցություն թյուրքիան ոչնչացնում է այն տարրերությունը, որը տեղ է դարերի ընթացքում: Մեր բերած մեջբերումը լիակատար անկեղծությամբ բացահայտում է ազգային դպրոցների նշանակության էությունը: Սակայն թյուրքիայի ղեկավար շրջանները խոչընդոտում են բանալ նույնիսկ այդպիսի, թող թույլ տրվի ասել, «ազգային» դպրոցներ, վախենում են ազգային փոքրամասնությունների դիտակցության բարձրացումից: Հատկապես ահա այստեղ է, բայց ոչ թե վերջինների դեպի կրթությունը ձգտման բացակայության մեջ (ինչպես այդ փորձում են բացատրել թյուրքական որոշ ասիմիլյատորներ), այն պատճառը, թե ինչու թյուրքիայի տերիտորիայում, բացառությամբ Ստամբուլի, մինչև այժմ ուրիշ ոչ մի տեղ և ոչ մի ազգային դպրոց չկա:

Օտարերկրյա դպրոցները (տարրական, միջնակարգ, լիցեյ և կոլեջներ) հիմնականում նույնպես կենտրոնացված են Ստամբուլում:

Այս քաղաքում գործում են 7 ֆրանսիական, 5 իտալական, 4 ամերիկյան, 2 ավստրիական, 2 անգլիական և մեկ իրանական դպրոցներ: Այդ դպրոցները բացված են զանազան ընկերությունների միջոցով և հանդիսանում են օտարերկրյա իմպերիալիզմի ազնոտուրան:

Թյուրքիայում գոյություն ունի տարրական ընդհանուր պարտադիր ուսուցման օրենք, որը կրում է զուտ գեկլարատիվ բնույթ, քանի որ մինչև հիմա ունալ պայմաններ չեն ստեղծվել, որպեսզի բոլոր դպրոցական հասակի երեխաները լիովին ընդգրկվեն ուսուցման սխսեմում: «Ջումհուրիեթ» թերթը նշում է, որ Վերկրի առաջնաներթ պրորլեմը հանդիսանում է լուսավորությունը, իսկ լուսավորության սխսեմի գլխավոր պրորլեմը՝ տարրական կրթությունը¹, 1954 — 55 ուսումնական տարում 2963 հազ. դպրոցահասակ երեխաներից (տարրական ուսուցման շրջանի) 1085 հազ. երեխա (մոտ 37%) գտնվում էր դպրոցից դուրս², Ընդամին տարրական դպրոցի հաճախման տոկոսը բարձր է քաղաքներում և զգալի չափով իջնում է գյուղական վայրերում. 1952—53 ուսումնական տարում գիտվել է հետևյալ պատկերը³,

Տարրական ուսուցման շրջանի երեխաների թիվը	Տարրական դպրոցի աշակերտների թիվը	0/100-ով
Քաղաքներում 704.000	517.108	73,5
Գյուղական վայրերում 2.090.000	1.193.318	57

¹ «Ջումհուրիեթ», 25/X 1952;
² Նույն տեղում, 12/II 1953;
³ «Ուլուս», 17/II 1956;
⁴ «Ջումհուրիեթ», 17,III 1954;

Հետևաբար, նույնիսկ քաղաքներում երեխաների մի քառորդից ավելին դպրոց չի հաճախում:

Արևելյան և հատկապես հարավ-արևելյան Անատոլիայում քիչ չեն այնպիսի շրջաններ, որտեղ տարրական ուսուցումով ընդգրկված է դպրոցահասակ երեխաների կեսից պակաս մասը: Այդպիսի շրջաններ են Խակ-կյարի, Վանի, Ադրի, Մարգինի, Սիիրդի, Մուշի, Բիթլիսի, Օրդույի և այլ վիլայեթները: Այսպես՝ 1952—53 ուսուցման տարում, Մարգինի վիլայեթում դպրոց հաճախող երեխաները կազմել են ընդամենը 23,20%¹:

Վերջին տարիներին թյուրքական կառավարութիւնը մշակել է անդրադիտութիւնը վերացնելու մի շարք պրոյեկտներ, սակայն նրանք բոլորն էլ շարունակում են մնալ թղթի վրա, որովհետև չունեն նյութական հաստատուն հիմք: Վերջին 16 տարիների ընթացքում (1940—1955 թ.թ.) տարրական դպրոցի կարիքների համար ծախսված է մոտ 1,5 մլրդ. լիրա², այսինքն 1955 թ. ռազմական ծախսերի գումարից երկու անգամ պակաս: 1952 թ. տարրական կրթութիւն մասին հատուկ բրոշյուրով հրատարակվեց մի օրինագիծ, որի համաձայն ընակչութիւնը դպրոցներով լիովին ապահովելը և դպրոցները ուսուցիչներով կոմպլեկտավորելը նախատեսվում է միայն 1965 թ.: Այս տարի տվյալ օրինագիծը կներկայացվի մեջլիսին ի քննութիւն: Ըստ թյուրքական պաշտոնական գործիչների խոստովանութիւն, Թյուրքիային հարկավոր է կառուցել դպրոցական նոր շէնքեր, որոնցից 592-ը քաղաքներում, 16.912-ը գյուղական վայրերում: Անհրաժեշտ է պատրաստել մոտ 30 հազ. ուսուցիչ³: Նախագծված ծրագրով տարրական դպրոցների շինարարութիւն իրականացման համար ընդհանուր գումար սահմանվում է 700.160 հազ. լիրա (եղնելով ամեն մի դպրոցական շէնքի համար 40 հազ. լիրայի հաշվից), այն դեպքում, երբ այդ նպատակների համար բյուջետային հատկացումները տարեկան 20 մլն. լիրայից չեն անցնում⁴: Այսպիսով, եթե նոր դպրոցների շինարարարութիւն գործը պետք է շարունակվի ներկայիս տեմպերով, ապա երկրի լիովին ապահովումը տարրական դպրոցներով՝ նույնիսկ հաշվի չառնելով ընակչութիւն ընկած աճը, կարելի է հասցնել միայն 35 տարի հետո:

Դպրոցական շէնքերի և ուսուցչական կադրերի պակասութիւնն պատճառով, գյուղական տարրական դպրոցների ուսուցիչների ճնշող մեծամասնութիւնը միաժամանակ ղեկավարում է մի քանի դասարան: Ճիշդի ուսուցիչները, — գրում էր «Ուլուս» թերթը 4/VII 1953 թ. — ստիպված են լինում միաժամանակ պարապել 2—3 և հաճախ էլ 5 դասարանի հետ: Դրեթե անհնարին է գտնել գյուղական այնպիսի ուսուցիչ, որը վարեր միայն մեկ դասարան:

Դրութիւնը վատթարանում է նաև այն բանով, որ եղած շէնքերը վատ են կահավորված և բարեկարգված չեն: 1952 թ. լուսավորութիւն նախկին մինիստր Տ. Իւերին մեջլիսում ունեցած իր ելույթում հայտա-

¹ «Վաթան», 10/VII 1953:

² «Ջաֆեր», 27/II 1956:

³ Նույն տեղում, 7/III 1956:

⁴ «Ջումհուրիէթ», 17/III 1954:

⁵ «Ուլուս», 27/II 1956 թ. և «Իհսմի դադեթե», 2/XI 1955:

րարեց. Վիլյամսթեներից ստացված պաշտոնական տեղեկություններով գրպրոցական շենքերի լիովին քանդվելու և հետագա օգտագործման համար անպետք լինելու հետևանքով, փակված են եղել 587 գպրոց (1950 թ. հետո. Ա. Ռ.). 918 գպրոց պահանջում են հիմնական վերանորոգում և եթե անմիջապես վերանորոգման չենթարկվեն, ապա 1—2 տարուց հետո, նրանք նույնպես անպետք կդառնան, ...303 գպրոց ունեն հոգե կտուրներ... իսկ 1256 գպրոց զուգարանից զուրկ են¹: Տարրական գպրոցներում, առանձնապես գյուղական՝ գրենական պիտույքներ գրեթե ամենևին չկան, որովհետև ազգային լուսավորության միջնատրոթյունը նմանօրինակ կարիքների համար հատկացումներ րաց չի թողնում²:

Թյուրքիայում տարրական գպրոցի միասնական տիպային կառուցում չկա: 5-ամյա գպրոցներին զուգընթաց, որտեղ դասավանդում են մանկավարժական ուսումնարանի շրջանավարտները՝ գյուղական վայրերում գոյություն ունեն նաև այսպես կոչված «գաստիարակչական գպրոցներ» (eg'itmen okulu), ուսուցման եռամյա ժամկետով, ուր դասավանդումը տարվում է «գաստիարակներով», որոնք մանկավարժական հատուկ կրթություն չունեն: Այս վերջին գպրոցները չեն տալիս նախնական անհրաժեշտ կրթություն և ոչ էլ միջնակարգ ուսումնական հաստատություններն ընդունվելու իրավունք:

Տարրական գպրոցում րացակայում է մեթոդոլոգիապես միասնականորեն մշակված դասավանդման սխեմա: Շատ առարկաների դասագրքերը գեոևս կազմված չեն: Այսպես, 2-րդ և 3-րդ դասարաններում կա միայն մեկ դասագիրք—գիրք ընթերցանության համար՝ չնայած որ այդտեղ ավանդվում են նաև և այնպիսի առարկաներ, ինչպես թվարանություն, բնագիտություն և այլն³: Առանձնապես վատ է թյուրքերեն լեզվի դասավանդման գործը, քանի որ գեոևս չեն մշակվել ուղղագրական ճշգրիտ կանոններ, չկա գպրոցական ուղղագրական բառարան: Թե դասագրքերում և թե մանկական այլ գրականության մեջ, միևնույն բառը միշտ կարելի է հանդիպել զանազան ուղղագրությամբ:

Վերոհիշյալ փաստերը շեշտակիորեն իջեցնում են առաջագիմությունը և վերջին հաշվով հասցնում են այն րանին, որ տարրական գպրոցի շրջանավարտները հանրակրթական խիստ ցածր մակարդակ ունեն: Նրանց մեծամասնությունը գպրոցն ավարտելուց հետո մտնում է աշխատանքային կյանքի մեջ, դադարում է կարդալ որևէ րան և առժամանակ հետո կորցնում է այն փոքր գիտելիքները, որոնք ստացել է գպրոցում: Ուշագրության արժանի է կիսապաշտոնական «Ջաֆեր» թերթի վերին աստիճանի րնորոշ արտահայտությունը այդ մասին: «Տարրական գպրոցի շրջանավարտների ճնշող մեծամասնությունը, գրում է թերթը, մնում է գյուղում և գրանով վերջացնում է իր ուսումը ...Քաղաքային ավաններում և նույնիսկ քաղաքներում միայն շատ քչերին է հաջողվում կրթությունը շարունակել: Ի՞նչ րանի հասցրեց այդ ...Ինչպես ցույց են տալիս

¹ «Ջաֆեր», 27/XI 1952:

² «Ջուհուրիթ», 19, I 1952:

³ Նույն տեղում, 9, I 1953:

նախկին տարիների վիճակագրական տվյալները, տարրական դպրոցն ավարտած պատանիների և միջին հասակի անձերի մեծ մասը, վերջին 16 տարիների ընթացքում կարգավր և գրելը մոռացել են¹։

Թյուրքիայի միջնակարգ ուսումնական հաստատութիւնները ներկայացված են հանրակրթական, պրոֆեսիոնալ-տեխնիկական դպրոցներով, ուսումնարաններով և լիցեյներով։

Հանրակրթական միջնակարգ դպրոցը իր եռամյա դասընթացով տալիս է ոչ լրիվ միջնակարգ կրթութիւն։ Նրա հաջորդ աստիճանը հանդիսանում է լիցեյը (նույնպես 3 տարի), որը իրավունք է տալիս ընդունվել բարձրագույն ուսումնական հաստատութիւն։ 1954—55 ուսումնական տարվա սկզբին միջնակարգում և բարձրագույնում սովորողների ընդհանուր թիվը կազմում էր 206 հազ. մարդ²։

Միջնակարգ ուսումնական հաստատութիւնները, ինչպես և տարրական դպրոցները դասատվական կադրերի, դպրոցական շենքերի և գրենական պիտույքների սուր կարիք ունեն։ Մեջլիսի դեպուտատ Ֆեթի Ուլկյուլի խոստովանութիւնով, միջնակարգ ուսումնական հաստատութիւններում պակասում է 2054 դասատու, և այդ այն ժամանակ, երբ միայն 1955 թ. 186 ուսուցիչ ցածր աշխատավարձի պատճառով թողել են դպրոցը։ 55 լիցեյներում և 135 միջնակարգ դպրոցներում մինչև հիմա չկան ֆիզիկայի և քիմիայի ձեռնարկներ³։ Այս ամենը, վերջին հաշիվով բացասաբար է անդրադառնում աշակերտների և ուսանողների առաջագիմության վրա, որոնք ավարտում են գիտելիքների ցածր մակարդակով։ «Ակշամ» թերթի թղթակիցը Շեկեթ Ռադոն, իր հոգիածներից մեկում գրում էր. «Այսօր լիցեյների շրջանավարտները դժբախտ մարդիկ են... Այն մարդը, որը ավարտել է լիցեյը 20 տարի առաջ, և նա, որը լիցեյից դուրս է եկել անցյալ տարի, ունեն կուլտուրական տարբեր մակարդակ։ Վերջինը շատ թույլ է ամենից առաջ թյուրքական լեզուն գիտենալու տեսակետից»⁴։

Թյուրքիայում համեմատաբար լայն են ներկայացված պրոֆեսիոնալ-տեխնիկական ուսումնական հաստատութիւնները։ Դրանց են վերաբերում մանկավարժական, արհեստավորական, գյուղատնտեսական, առևտրական, բժշկական, երկաթգծային, շինարարական և այլ դպրոցները, ուսումնարանները, լիցեյները, որոնք մասնագետներ են պատրաստում երկրի տնտեսության զանազան ճյուղերի համար։ Ինակլության մեջ, հատկապես նրա ցածր խմբերում, նկատվում է բարձր հետաքրքրութիւն դեպի այդ ուսումնական հաստատութիւնները, և ընդհակառակը, հետաքրքրութիւնը դեպի հանրակրթական միջնակարգ դպրոցը մեծ չէ, որովհետև միայն քչերն են, որ այն ավարտելուց հետո հնարավորութիւն ունեն շարունակել կրթութիւնը, իսկ մնացածները գործադրկության պատճառով չեն կարողանում գտնել իրենց համար որևէ կիրառում և պատրաստ են անցնել պատահած աշխատանքի։

¹ «Ջաֆեր», 7/III 1956։

² Նույն տեղում, 27/X 1954։

³ «Մուլուս», 27/II 1956։

⁴ «Ակշամ», 27/III 1953։

Բավականաչափ տարածված են արհեստավորական ուսումնարանները և իգական գիշերային արհեստավորական դպրոցները: Առաջիններում սովորում են 25 հազ., երկրորդներում՝ 28.300 մարդ¹:

Ներկայումս Թյուրքիայում գործում է 4 համալսարան, որոնցից երկուսը գտնվում են Ստամբուլում, մեկը Անկարայում, մյուսը Իզմիրում: Ստամբուլի երկրորդ համալսարանը կոչվում է տեխնիկական և ըստ էության պոլիտեխնիկական ինստիտուտ է: Իզմիրի համալսարանը պաշտոնապես բացվել է 1955—56 ուս. տարում՝ րժշկական և գյուղատնտեսական ֆակուլտետներով, ուր պարապմունքները տարվում են դեռ առաջին կուրսերում: Անկարայի և Ստամբուլի համալսարաններում սովորում են 29.047 մարդ: Իզմիրի համալսարանում՝ 206 մարդ²: Սրանցից ամենամեծը Ստամբուլի համալսարանն է, որը 1953—54 ուս. տարում ուներ 13.199 ուսանող: Նրա կազմի մեջ մտնում են իրավաբանական, բժշկական, պոլիտեխնիկական, տնտեսական, գրական և անտառային ֆակուլտետները:

Տեխնիկական համալսարանը ամեն տարի պատրաստում է 180—200 ինժեներներ և կազմված է շինարարական, մեքենաշինական, էլեկտրատեխնիկական, ճարտարապետական և լեռնային ֆակուլտետներից: Համալսարանը և բարձրագույն տեխնիկական ուսումնարանը, որ գտնվում է Յըլդըզում (Ստամբուլ) և բաց է թողնում տարեկան 100 ինժեներ, ծածկում են երկրի ինժեներական կադրերի պահանջի միայն աննշան մասը: Իրա հետևանքով Թյուրքիան ուսանողների մի մասը ուղարկում է արտասահմանյան տեխնիկական ուսումնական հաստատություններ և գլխավորապես օտարերկրյա ինժեներներին: Ընթացիկ տարում արտասահմանում սովորում են 2525 թյուրք ուսանողներ³:

Մյուս բարձրագույն ուսումնական հաստատություններից առավել նշանակալի են Ստամբուլի առևտրա-տնտեսական, ծովային և մանկավարժական ինստիտուտները, Ստամբուլի գեղեցիկ արվեստների ակադեմիան, Անկարայի գյուղատնտեսական և մանկավարժական ինստիտուտները:

Վ. Աթաթյուրքի մահից հետո, Թյուրքիայի կառավարությունը սկսեց աստիճանաբար հեռանալ լաիցիզմի սկզբունքից, որի համաձայն կրոնը բաժանված էր պետությունից, իսկ դպրոցը՝ եկեղեցուց: Այդ նախնաջը աւարտվեց 1950 թ. մայիսին, երբ գեմոկրատական պարտիան իշխանության գլուխն անցավ և որը կրոնը պաշտոնապես մտցրեց որպես տարրական դպրոցի դասավանդման առարկա և վերստին բացեց իմամներ և քարոզիչներ պատրաստելու դպրոցները, որոնց թիվը 1952 թ. 7-ից 1954 թ. սկզբին բարձրացավ մինչև 15-ի:

Ընթացիկ տարվա տարեակզրին, պրեմյեր-մինիստր Ադնան Մենդերեսը հանդես գալով Դոնյա քաղաքում, հայտարարեց. «Ինչ վերաբերում է խղճի ազատությունը, ապա թյուրքական ազգը հանդիսանում է մուսուլմանական և մուսուլմանական էլ՝ կիմնա: Նրա համար, որպեսզի մուսուլմանական մնա, անտարակույս է, որ անհրաժեշտ է երեսններին և նոր սերնդին տալ կրոնական խրատներ, տալ նրանց գիտելիքներ կրոնի հի-

¹ «Իսսաի դադեթե», 2/XI 1953:

² «Ջաֆեր», 7/II 1956:

³ Նույն տեղում, 7/II 1956:

մուսուլմանները և կանոնների մասին ... Այս նկատառումով մեր միջնակարգ դպրոցներում կրօնական դիսցիպլիններ մտցնելը կհանդիսանա ժամանակին կիրառելի միջոցառում: Մենք չենք հավատում, որ հասարակութիւնը, ազգը, առանց կրօնի կարող են հաստատուն լինել¹:

Կրօնի դաստիարակումը դպրոցներում և կրօնական դպրոցների ցանցի ընդլայնումը հետապնդում են միանգամայն որոշակի նպատակներ: Թունավորելով ժողովրդական լայն մասսաների գիտակցութիւնը կրօնական պրոպագանդայի թմրիրով, ղեկավար շրջանները ձգտում են հեռացնել նրանց ուշադրութիւնը դասակարգային պայքարից և քարոզելով դասակարգային խաղաղութիւնը ու ազգի կրօնական միասնականութիւնը՝ կրօնը օգտագործել որպէս զենք ներքին և արտաքին քաղաքականութեան համար:

Դեպի Թյուրքիա ուժեղացած օտարերկրյա գրականութեան հեղեղը գլխավորապէս ամերիկյան հակազեղարկատական գրականութեան, հասցրել է այն բանին, որ երկրում շեշտակիորեն ընկել է գրքերի վաճառքը, իջել է հետաքրքրութիւնը դեպի զեղարկատական գրականութիւնը: Այդ իր հերթին, իր ետևից տարել է գրքի հրատարակման կրճատումը: 1953 թ. Թյուրքիայում հրատարակվել է 3266, 1954 թ.՝ 3585 և 1955 թ.՝ 3250 գիրք²: «Ակչամ» թերթը դրում էր, որ «դպրոցի փակումը իրենով նշանավորում է և գրքի փակում» և ամառային շրջանը, երբ թաւականում է վաճառքը և դադարում է գրականութեան ընթերցումը, թերթը միանգամայն իրավացիորեն անվանել է «մեռյալ սեզոն»³: Այնինչ, ԱՄՆ-ից և մի քանի այլ երկրներից, անընդմիջվող հեղեղի նման լցվում են բուլվարային և զեղեկտիվ ոտմաններ ու ժուռնալներ, որոնց մեջ մարգասպանը դարձվում է հերոս, իսկ գանգստերը՝ ասպետ:

Նման գրականութեանը զուգընթաց, Թյուրքական երիտասարդութեան վրա կործանարար ազդեցութիւն ունեն ամերիկյան կինոֆիլմերը, որոնք քարոզում են համաշխարհային նոր պատերազմի անհրաժեշտութիւնը և անխուսափելիութիւնը, սեռական անառակութիւնը, գանգստերի դաժնությունը դեպի ամեն մի առաջավորը և պրոգրեսիվը: Թյուրքիայում սովորական երևույթ են դարձել սպանութիւնների, թաւանի և բռնարարումների դեպքերը, որոնք գործվում են օտարերկրյա ֆիլմերի և բուլվարային ու զեղեկտիվ գրականութեան ազդեցութեան տակ: Զոհուղիղակ քաղաքում մի ոմն Օսման Թեկին, որը կացնով սպանել էր իր հարսին և քրոջը, դատարանում հայտարարում է, որ այդ ոճրագործութիւնը նա կատարել է արտասահմանյան «Մարգասպանը» ֆիլմի տպավորութեան տակ⁴:

Թյուրքիայում ոչ մի հոգատարութիւն չի ցուցաբերում երեխաների արտադպրոցական հանգստի մասին: Երկրում կա մանկական միայն երկու փոքր լագեր, Անկարայում և Ստամբուլում, ուր ընդունվում են միայն բուրժուական երեխաները: Դպրոցական արձակուրդներից հետո երեխաների ճնշող մեծամասնութիւնը իր ժամանակը անց է կացնում դաշտային և այլ աշխատանքներում և իր ծնողների հետ բաժանում է ծանր

¹ «Զուլհուրիեթ», 8/1 1956:

² «Զաֆեր», 17/1 1956:

³ «Ակչամ», 30/VII 1952:

⁴ «Զաֆեր», 3/1 1954:

⁵ «Ենի ուլուս», 20/IV 1954:

աշխատանքը, կարիքը և զրկանքները: Թյուրքական մամուլի տվյալներով, 15 տարեկանից ցածր հասակի երեխաների արտագրություն մեջ զրազված լինելու կողմից Թյուրքիան աշխարհում գրավում է առաջին տեղը:

Իրավարան Խալիլ Մակարաջին, որը իր հոդվածը «Պայքար աղքատների հետ» տեղավորել է «Զաֆեր» թերթում, հաղորդում է, որ բաղամթիվ երեխաներ, որոնց նկատմամբ ամուսնի ամիսների ընթացքում սրկէ հոկոդությունը բացակայում է, դատում են ստահակների և թափառաշրջիկների դոն, սրանք գրավում են նրանց, գցում իրենց ցանցերը և ստիպում են մուրացկանություն անել փողոցներում, պուրակներում, կիսոթատրոնների, բնակաշենքերի շքամուտքերի առաջ և այլն: Ընդամեն չախտաւարձի առյուծի բաժինը նրանք հանձնում են իրենց պատրոններին: Իտնվելով աղքատի անձերի շրջանում, նրանք վարժվում են սպիրտային խմիչքների գործածությանը, թղթախաղին և գողությանը: Հետագայում նրանցից շատերին սպասում է փողոցային թափառաշրջիկների նույն վիճակը, որովհետև երկրում տիրող գործազրկությունը նրանց թույլ չի տալիս զրազվել օգտակար աշխատանքով¹: Այդ երեխաների համար, աղքատիկների մեջ սննդի մնացորդների պրալտումները և գողությունը դառնում է գլխավոր զրազմունք:

Թյուրքիայի պրոգրեսիվ հասարակայնությունը պահանջում է ձեռք առնել էֆեկտիվ միջոցներ բարձրացնելու համար բնակչության կուլտուրական մակարդակը և հրաժարվել երիտասարդության դաստիարակության արատավոր մեթոդներից: Նա իր բախտը միացնում է երկրի կուլտուրական վերելքի, ամբողջ աշխարհի խաղաղասեր ուժերի ընդհանուր պայքարին, ընդդեմ նոր պատերազմի հրձիգների, հանուն խաղաղության և իրենց երեխաների երջանիկ ապագայի:

¹ «Զաֆեր», 19/IV 1953: